

Ազգային ազատագրական շարժման 60-ական թվականներին սկսված փուլում (ընդհուպ մինչև 1987 թվականը) առկա էին նրկու ուղղություն:

Առաջինը բացահայտորեն սկզբնավորվեց «յոթ հայրենասերների դատավարությանը», 1964 թվականին (Խաչիկ Սաֆարյան, Վիգեն Բաբայան եւ ընկ.):

Այդ խմբի ձեռքակալամար ընդհատված հայրենասիրական գործունեությունը շարունակեցին յոթ նոր անձինք, նոր կազմակերպություն հիմնելով եւ ձեռնարկելով «Հանուն Հայրենիքի» ամսագրի հրատարակումը:

Հայրենասիրական նոր խմբի յոթ անդամներից չորսը (Հայկ Իսկանդարյան, Ասատուր Բաբայան, Գեորգ Հեքիմյան, Սարգիս Թորոսյան) անմիջականորեն առնչված էին առաջին յոթնյակի հետ:

Ինչպես առաջին, այնպես էլ այս մեր նոր յոթնյակը, բարձրացնում էր Ղարաբաղը ու Նախիջևանը Հայաստանին վերադարձնելու հարցը, դատապարտում հայ եւ ընդհանրապես բոլշևիկների հակազգային, հակահայկական քաղաքականությունը, քրե-նադատում խորհրդային կոչված վարչա-բյուրոկրատական համակարգը՝ այն համարելով կենսամերժ:

Նշածս յոթնյակի կազմավորման ժամանակներում ձեռնարկվեց մեկ խմբավորում եւս՝ Հայկ Խաչատրյանի, Ստեփան Զատիկյանի եւ Շահեն Հարությունյանի նախաձեռնությամբ:

Այս խմբավորումը բարձրացնում էր Հայաստանի անկախացման հարցը:

Հետագայում, երբ երկու խմբավորումներն էլ բանտարկված էին, Մորդովիայի ու Սոլիկամսկի քաղաքական գաղութներում տեւական վեճեր են եղել երկու ուղղությունների ներկայացուցիչների միջեւ, չնայած դա դուրս իսկ չի ստվերել մեր հարաբերությունները... Ստվերները հայտնվեցին շատ ավելի ուշ, երբ արդեն գնդակահարված էր Ստեփան Զատիկյանը...

Վաթսուհական թվականներից սկսած առ այսօր մենք մեր տեսակետներն ու քաղաքական համոզմունքները չենք փոխել եւ դրանցում իր անեղծելի, սրբազան տեղն ունի հայ ժողովրդի անկախության իղձը: Հենց այդ պատճառով մի քանի մանկամիտ կողմնակիցներ ու քաղաքական «դիվիդենդներ» շահելու, որոշակի ուժերի հաճոյանալու ու վարձատրվելու, անձնական փառասիրական նկրտումները քավարարելու

համար, պատեհի ու անպատեհի առիթներով չենք շահարկում այն: Լեւոն Տեր-Պետրոսյանի սիրած արտահայտությամբ՝ «տրիվիալ» ճշմարտություն է, բայց-ստիպված են կրկնել, բոլոր արարածները ձգտում են ազատության: Ծավալին այն է, որ երեսպաշտները մարդ-արարածի այդ բնական, ձգտումը միշտ չարաշահել եւ չարաշահում են, նորից օգտագործում են հենց նրա դեմ:

Մենք շատ ավելի լրջորեն եւ իրոք ենք անկախություն ուզում, ի տարբերություն ամեն օր միտինգներում այդ մասին գոռոցացողներին:

«Հայ Դատը» չի ուզում, որ անկախության խայծով մեր ժողովրդին տանեն կործանման:

Մի ժամանակ զինված կազմավորումներ ունեցող կազմակերպությունների միավորվելու փորձ արվեց, որ չկայացավ: Այդ առիթով հանդիպումներից մեկին ներկա գեներալ Սուրկովն այսպիսի մի պատկեր ներկայացրեց. «Ենթադրենք, - ասաց նա, - որ ձե՛ր ասած ռուսական զավթիչ բանակը դուրս է հանված Հայաստանից: Հայաստանը մոտ երեք հարյուր կիլոմետր երկարություն ունի: Թուրքական մարտական ուղղաթիռների տորմիդը մարտական թռիչքով այն կանցնի մոտավորապես մեկ-մեկուկես ժամվա ընթացքում: Դրանից հետո Հայաստանում կմնան միայն կիսահալ քա-

3. ՎԱՍԻԼՅԱՆ.

«Ժողովուրդը հավիտենական գերարժեք է»

մտորում է վաթսուհականների քաղկալանավորը

Հանրաքվե

րեր...»:


Լեւինը 1918 թվականին ռուսական զորքերը ետ կանչեց Կովկասյան ռազմա-կատից եւ թուրքական բանակը մտավ Հայաստան:

Եթե Օզալի ականջին Գորբաչովը մի թեթեւ փսփսա... Արեւելյան Հայաստանը կարող է արժանանալ Արեւմտյանի ճակատագրին:

Ամերիկյան սենատի, Եւրախորհրդարանի եւ ամատերդամյան «ոչ պաշտոնական» հավաքի հայաստանյան «եղբայրությունը» հայտարարում է, թե Թուրքիան այլեւս 15 թվականի մարդակեր գազանը չէ, թե նա քաղաքակրթելի եւ անցել է խտով սնվելուն, այլեւս այդպիսի բան չի անի, եթե ուզենա էլ, ՄԱԿ-ն ու Եւրախորհրդարանը,

ամենակարեւորը՝ ամերիկյան «Ժանոթ» սենատորները, - թույլ չեն տա...

Թվում է այս կերպ կարելի է խաբել մանկապարտեզի երեխաներին, բայց... համոթ մեզ՝ հավատացողներ կան: Ստիպված են նորից մի «տրիվիալ» հարց տալ «հավատացյալներին». ինչու՞ վերոհիշյալք չեն պաշտպանում Պաղեստինի արարներին, Լիբանանին, ինչու՞ Կիպրոսից չեն վտարում զավթիչներին, որք են ներկայիս՝ «քաղաքակրթված» թուրքերը...



Յոթանասուն տարի այս կայսրության ամենասարսափելի, անբարենպաստ պայմաններում ապրել ու դիմացել ենք, իսկ երբ հնարավորություն է ստեղծվում քիչ թե շատ տանելի պայմանների անցնելու, ապագա իրական անկախության նախապայմաններ ստեղծելու, մեզ կոչ են անում դուրս գալ ու մնալ թուրքի, աղբրեջանցու «բարիկամեցողության» հույսին... Նման վարքագծի շատագուցներին ես չեմ կարող համարել հայ ժողովրդի բարեկամներ: Մեր այս չսիրած Խորհրդային Միության կազմում, արդեն նոր ինքնուրույն կարգավիճակով, երաշխավորված է գեթ ժողովրդի ֆիզիկական գոյությունը:

Անկախությունը միտինգներում չի նվա-

ճվում եւ ոչ էլ առ ի քրիստոս հղած աղոթքներով... Սիտինգներն ու աղոթքներն ամբոխին խաբելու համար են, ցանկալիի պատրանք ստեղծելու համար:

Բնութագրող է, որ խոսքով Արցախը Հայաստանի մաս հայտարարելու շատագուցները մի քանի ամիս հետո, գնացին Մութալիբովի ու Օզալի հետ համաձայնության... Ե՞րբ էր Արցախն ավելի մոտ Հայաստանին, հայհոյված Վոլսկու կառավարման օրո՞ք, թե՞ այսօր... Անկախության գործընթաց հռչակելուց եւ միութենական հանրաքվեին շնորհակցելուց հետո չէ՞ր, որ Արցախը փաստորեն Աղբրեջանի կազմից դուրս բերող, այդտեղ հատուկ կառավարում մտցնող Գորբաչովը միանշանակ հայտարարեց, որ Արցախը Աղբրեջանի անբաժանելի մասն է...

Նկատենք նաեւ, որ իշխանություն նվաճելուց հետո աստիճանաբար ստեղծ ՀՀԸ-ի անկախության կոչերի ջերմությունը: Դրանք այժմ խիստ ջերմացել են նրանց մոտ, ովքեր իշխանության գաթաչից իրենց հավակնած բաժինը չեն ստացել:

Այո՛, մենք չափավորության, իրական հնարավորությունների ճանապարհով գնալու կողմնակից ենք: Այս առումով, թվում է, ավելի իրապաշտական է Լեւոն Տեր-Պետրոսյանի դիրքորոշումը:

Հայաստանն առայժմ պետք է մնա նոր ձեռնարկող Խորհրդային ինքնուրույն պետությունների տնտեսական, ռազմական ու քաղաքական համագործակցության կազմում, քանզի այլընտրանք չունի: Եթե անկախանալու հնարավորություն առաջանա, ոչ մի ժողովուրդ, ոչ մի վայկրյան չի մնա կախյալ, ինչ որոշումներ էլ ընդունեն միտինգներում, գերագույն խորհուրդներում ու «միավորումներում»:

1920 թվականին Աղբրեջանը շրջահայացորեն մի գիշերում «մուսավաթից» գունափոխվեց «բուլշեիկի» եւ շահեց Նախիջևանը, Ղարաբաղը: Այժմ, անկախանալու մեզնից անհամեմատ ավելի հնարավորություններ ունենալով, Մութալիբովը չի շտապում «փեշերը քշտել ու առաջ ընկնել», քանզի հասկանում է, որ այդ դեպքում կկորցնի ոչ միայն Արցախը...

Հասարակարգերը, կայսրություններն ու նվաճողները գալիս ու գնում են, իսկ ժողովուրդն իր շահերով՝ մնալուն, հավերժական գերարժեք է:

Հանուն դրա, ճարահատյալ հանդուրժում են նախորդ երեքը: □